

宜黃縣志卷之六

人物志

鄉賢

宋

樂史字子正崇賢鄉霍源人母夢異人授五色珠而生長而力學有文爲南唐進士第一太平興國五年復登甲科授武成軍掌書記上書言事除著作佐郎知陵州進金明池賦詔三館編修遷著作即直史館太常博士水部員外郎爲兩浙巡撫使釋逋負六萬緡賑饑民十五

宜黃縣誌

六卷

一

萬上嘉其能轉都官員外郎咸平二年加上柱國知商州史夙有方外志至是累表求解五季復以舊職召詔前後所著書竝藏龍圖閣子黃目同登書殿縉紳榮之景德二年除判西京留司御史臺卒年七十八真宗悼之賜錢十萬以子貴贈兵部侍郎史博洽多著述然好談神仙之事有廣孝傳五十卷總仙記一百四十一卷廣孝新書五十卷上清文苑四十卷貢舉事二十卷登科記三十卷題解二十卷唐登科文選五十卷孝弟錄二十卷續卓異記三卷太平寰宇記三百卷總記傳百

三十卷坐知天下記四十卷商顏雜錄二十卷廣卓異記二十卷諸仙傳二十五卷宋齊丘文傳十三卷杏園集十卷李白別集十卷神仙宮殿窟宅記十卷仙洞集一百卷子黃裳黃中黃日黃庭孫滋皆登進士黃裳黃庭皆官至太常博士史登顯仕有別業在崇仁玉清觀之北時往扃焉一統志載宜黃人

樂黃目字公理史子淳化三年進士補伊闕尉遷大理寺丞知壽安縣咸平中徙知壁州未行上章言邊事召對拜殿中丞久之直史館知浚儀縣上言曰大凡從政之

宜黃縣誌

六卷

二

原州縣爲急親民之任牧宰扃先今朝官以數任除知州簿尉以兩任入縣令雖功過易見而能否難明伏見唐開元二年選群官有宏才通識堪致理化者授刺史都督又引新授縣令於宣政殿試理人策一道惟鄆城令袁濟及格擢授醴泉令餘二百人且令赴任十餘人竝放令習學臣欲望自今審官院差知州銓曹注縣令候各及三二十人一次引見於御前試時務策一道察言觀行取其才識明於吏治達於教化者充選其有不分曲直罔辨是非者口黜之釐務或退守舊資如此則

官得其人事無不治上嘉之歷度支塩鐵判官遷太常博士京西轉運使丁內艱時眞宗將幸洛以供億務繁起令蒞職尋丁外艱復詔權奪大中祥符中使契丹還改工部員外郎廣南西路轉運使就拜起居郎改陝西轉運使賜金紫陳堯咨知永興好以氣凌上下黃目因表求解職不許堯咨多縱恣不法黃目察之得實以聞堯咨坐罷黃目入判三司三勾院以三人掌之黃目罷任奉朝請尋拜兵部員外郎知制誥時彭乘黃日俱稱博古及任代言頗不稱加右諫議大夫權知開封府仁

宜黃縣誌

六卷

三

宗升儲拜給事中兼左庶子職落職爲左諫議大夫知荆南府復爲給事中徙潭州長沙月給減於荆諸州特詔贈之又諭以兵賦繁綜寄任之意五年代還知審官院以風疾不堪治冗改知通進銀臺司兼門下封駁事求外任得知亳州卒年五十六贈太子太傅錄其子理國爲衛尉寺丞定國爲大理評事所著有學海搜奇錄四十卷聖朝郡國志二十卷文集雜編數卷

杜子野鹿岡人熙寧六年特奏名王荆公嘗師之荆公爲相子野見之邸第荆公問所欲指壁間顏魯公所書東

方朔像碑欲得之荆公曰此墨本何足貴顧此石在德州可致也於是輦至臨川併以金遺之子野受石碑而返其金孫育德字華國一字元振性情清介博覽群書登紹興五季進士第終廣昌令子野創鹿岡書院在崇四都侯叔猷字景仁崇賢鄉人少卓犖有大志臨事慷慨不可沮奪弱冠遊上庠有文聲凡月書季攷一不在優列則撤搨損膳激其志氣以自勵慶曆六年登進士第調開封府雍丘尉屢獲巨盜格當遷秩公曰殺人求賞非所欲也爲桐廬令邑民無賴犯法者舊輒籍之公召與約

宜黃縣誌

六卷

四

曰富而恃資強而恃力狡而恃能官而恃蔭以侵欺吾民者將盡去之唯能改前非則當削其籍衆皆竦服獄有大辟數人當歲暮泣告曰有父母在願得一見死無恨公曰此天理也與之期而遣之舉縣驚駭公獨怡然而囚果如期而至衆情遂安公爲政務以德化人而不丞於撻罰有爭辨至庭先以理開諭之不服然後刑之所至奸吏屏息豪民斂縮遷秘丞賜緋被召引見上知公政聲俾居條例司議法法成爲淮南提舉又易兩浙□行建議以爲畿內之地可因樊水淤漑以成良田上

然之即以提舉淤田司兼都水監丞公相地形度河勢引樊山之水以灌其地不五六年成田四十萬頃上乃賜淤田十頃又請開白溝河儲三十六陂及京索二水遷尚書工部員外郎除河北水陸計度轉運繼除判都水監遷兵部員外郎上憫其勞特詔獎諭曰古人所謂克勤於邦盡力乎溝洫於卿無愧矣後以勤感疾卒于楊州之光山寺享年五十四上聞之輟朝一日賻其家官其子王荆公有兩全忠孝古人風之語以挽之

劉蒙字資深登治平二年進士授南雄州司理歷平陽武

宜黃縣誌

六卷

五

城霍丘三縣令熙寧中淮甸大饑霍丘民賴蒙全活者衆司馬溫公薦爲御史臺主簿通判邵州知永州歷廣東提舉湖北運判廣西提刑官至朝議大夫蒙爲人清潔不可干以私居家友愛所得蔭補先二弟而後二子鄉里稱之

鄒極字適中邑西人治平四年進士授泰和簿轉茶陵丞修荆湖役法人便之累遷湖南轉運判官朝廷更鹽法多求羨餘以希進極條其不便言者指爲不奉法罷歸熙寧七年擢度支員外郎見執政議事不合慨然曰吾

其可久處省部邪請補外除江西提刑丁外艱服除曰
苦讀聖賢書僕僕權門丐寸祿以娛親耳今既孤可復
仕乎丐祠得洪州玉隆觀年四十九即乞致仕自號一
翁有宜川集三十卷

鄒餘字損道崇鄉人登元豐五年進士再調通城令邑多
豪猾至是服其化不敢犯嘗曰按簿書督期會可以集
事未可以治民遵法令平曲直可以治民未可以成俗
成俗之原在學校乃增廣縣庠名講堂曰資深黃山谷
爲記之知洛容縣民徭雜處臨以豈弟不假鞭笞民心

宜黃縣誌

六卷

六

頓革桂林宜陽有疑獄棘寺不能讞餘一閱得其情滿
去有德之者持白金藉以茶追路致餽餘笑謝爲受茶
一斤初識邢恕別後不通訊繼以恕薦召對上諭大臣
曰近召見者皆尋常惟鄒餘却惺惺遂除監察御史建
中靖國元季服除還朝出爲淮西提舉再入除侍御史
所陳十餘事其一辨析元祐黨人他皆切治體大臣不
樂遂奉祠歸卒年四十九

涂大經石麓人後遷邑南慷慨慕古人風節登紹聖元年
甲戌進士第元符末任茶陵丞時日食正月應詔言事

請復元祐之政坐是列邪黨不得仕於朝宣和末知南昌治水有功辨五臺山僧□於上所全活甚衆遷秩一等封南昌伯祀鄉賢

李郭字子經仙桂鄉之查浦人觀書一覽輒記爲文援引浩博不能就有司程度嘗著北事罪言二十篇時欲遷都建康取山東關中爲恢復計遍遊江淮見知於張于湖欲試賢良不遇退而著書人號爲書厨周平園楊誠齋謝□齋何月湖陸放翁皆引爲上客有堂名洛誦著文集數十萬言李鴈湖跋云博學強記文甚高余來□

宜黃縣誌

六卷

七

川恨識之晚所著又有緯文瑣語誠齋爲之□刊於巴陵子夢白字孝伯紹興四年進士仕至廣東提幹

劉迂字漫翁號□松隱居不仕文章敏贍自成一家凡百氏釋老之書皆精究朱陸諸儒會鶩湖嘗以詩請益於理學有所得所屛號雲月高齋李鴈湖嘗有詩贈之年八十餘無疾一日沐浴焚香而卒有文集

吳榮字茂卿邑東人乾道五年進士爲人廉介事親孝通判南安軍屢攝郡有疑獄久不決卒平氏之人稱神明後叅議金陵制募同列多爲進取計榮獨曰非吾志也

謝病歸前後凡三作邑所至皆繁劇每語人曰爲政之道平易近民而已歷仕四十年以循良稱居鄉似不能言者皆目爲善人自號深簡老人官至奉直大夫子二人領鄉薦孫焱登嘉熙戊戌進士

黃希字夢得待賢之姑川人號師心蕩佚簡易博學開門授徒提刑鄒非熊其高弟江閩士從遊者衆門無雜賓惟文士至則劇談不倦乾道二年登進士官終永新令嘗作春風堂於縣治楊誠齋爲記有曰夢得之學奄有古今晚年作詩慕少陵句法有補註杜詩搜剔隱微皆

宜黃縣誌

六卷

八

前人所未到未及成而卒子鶴復增益之重定年譜名曰黃氏補註杜詩鶴字叔似號牧隱有集名北窓寓言鄒非熊字宗望號竹巖宋東魯鄒公天經之裔也公發跡于西隅紫山後遷邑南幼敏悟過人受學于師心黃先生議論勁正文章典麗書法尤工兩領鄉薦登淳熙甲辰衛涇榜進士調樂昌尉試吏之初有若素習上官委以難決之訟剖折不勞咸得其當且親獲強寇不願推賞修復石渠之利以溉民田既去邑羣思之諸司以其才力有餘奏辟曲江令公一意漸摩周恤民隱無曠口

無滯訟爲韶州平反獄事活死囚十有二邑人刻石□
記改秩任宜章邑居嶺嶠間最稱難治公勤敏以臨政
慈惠以撫民催科勿擾輸將者恐後更以歲值荒歉□
賊竊發欲挺爲亂公能相其機宜隨其緩急預爲之備
事機無失以譚帥丞相余公特薦任邵陽盡革宿蠹嚴
戢史姦時教授乏人委公攝庠序燦然改觀士論交贊
當路如葉公適李公大性薦剡交上得旨知象州辭陳
三事敷奏詳明上爲之改容首肯奉知汀州時梅州界
兇賊嘯聚公禦之轉危爲安境內晏然咸感其德秩滿

宜黃縣誌

六卷

九

朝廷以隣寇未平非公莫能撫定特旨令再任居二歲
以治行第一陞授廣東提刑時年蓋七十云公之著□
浩富行畧赫奕具載天下全誌中如太和塔龍泉院□
記特豹班之一耳迄今曲江祀名宦本邑祀鄉賢可謂
聲施不朽矣公宰宜章日錫章服父繼祖贈朝散即亦
賜緋平陽吳丞貽之詩曰十年改秩鄉閭少同日垂□
父子難伯炳宣和癸卯以鄉舉復進士伯昂乾道壬□
以鄉舉特奏叔驤淳熙甲辰以兼經兩奏叔騃同胞□
必克紹熙癸丑以兩舉特奏從弟龔登慶元丙辰□□

龍榜臨登嘉泰壬戌傳行簡榜進士侄輝紹興壬戌□
兩貢特奏子燮以公澤仕戶曹今邑南東魯其後裔云
曹錫字晉伯仙桂鄉人嘉定元年進士性剛真文典雅□
於法律受知真西山扁其齋曰敬思爲之記知江山縣
復以詩餞至官清簡吏民畏愛有□卒呼儔期倡亂密
遣人捕之無逸者時有獻履畝截角之策公知不可行
但定其數寄之庫不與截角未幾議□罷受□而去攀
戀者相望數十里過平坦橋題詩有云□年幸與民無
擾不負西山兩晉詩又云簞食囊衣書半擔獨騎□馬

宜黃縣誌

六卷

十

去朝天及參選朝堂有言此不奉履畝截角之知縣也
除提轄左藏庫興廢補弊知瑞州改衡州尋差知無爲
軍兼淮西運判改知饒州除屯田員外郎入奏事推廣
西山祈天永命敬德愛民之說尋丐外奉祠歸卒年六
十五西山嘗曰晉伯文采宜爲詞誥剛介宜作言官敏
決可任監司所期如此恩當任子先奏其姪

鄒次陳字周弼一字悅道待賢鄉人宋末中博學宏辭科
值革命隱居不仕遠近學者多從遊及卒何太虛哀以
詩云八窓九室失般倕善作無人轉可悲又云門生定

展王通學舊友誰成郭泰碑其見推於時賢如□□□
有遺安集十八卷史抄十卷藏於家

元

涂潛生字自昭邑南人邃於易學時行省鄉試額取二□
三人潛生三舉上春官連不第授贛州濂溪書院山□
所著有四書斷疑易義矜式等書行於世祀鄉賢
涂幾字守約潛生從弟文據經史下筆數千百言不涉□
詞元末避兵臨川之竹山洪武初嘗進時事策上皇童
書其自述畧曰臣平生苦學見於文章製作盈几時輩

宜黃縣誌

六卷

十一

妄推謂當與漢唐諸文人畧相先後使厝館閣當爲聖
朝一代大典紀述聖君賢臣之事業鏗錡炳耀間錯金
石足以載當世而垂無窮謹撰時事策十九篇附江西
省使臣詣闕投上直言不諱欲以涓塵上俾海嶽使斯
民脫於重負盛治際乎雍熙臣所願也書上策藏秘閣
所著有東遊集涂子顛藁傳於世祀鄉賢
鄒矩字元方博學工古與涂幾齊名洪武初以通經儒士
薦任南城縣學訓導有文集板在南城學

□

吳餘慶字彥積號斯白仙桂棠陰人能詩文尤善真草口
隸書法永樂六年以薦赴京選入閣院修勸善書及性
理大全既竣除中書舍人授徵事郎丁母憂服闋奉上
差官欽取陞右春坊右中允歷通政使司右叅議轉右
通政屢兼知制誥授中憲大夫皆直秘閣凡金銀寶冊
鐵卷誥勅御製詩文多奉勅書之應制賦詩每蒙獎諭
屢拜誥勅封贈頒降四書五經性理大全御製爲善陰
隲孝順事實歷代臣監古今列女傳五倫書御賜龍紙
筆墨表裏銀寶特承寵賚及致仕歸行李蕭然所載惟

宜黃縣誌

六卷

又十一

圖籍而已公爲人忠謹清節時汲人王鎮用事嘗因會
飲擬公爲侍郎公默坐不顧侍郎王佑促之拜公曰樂
爲朝廷叅議不作王家侍郎閱數月鎮果敗公卿大夫
咸以智節稱之少卿李廷修謂先生出入禁闥四十餘
年德量曠豁未嘗一踐賚人門評書者謂其楷如美女
簪花草如瑞雲飛空流水赴壑所著斯白流芳集
譚綸字子理號二華待賢鄉潭坊人嘉靖癸卯鄉試登甲
辰進士教授鎬子也初授南祠部主事已轉兵部即倭
薄留都募壯士五百禦而卻之時當事者固心噐公口

擢守台州大挫賊鋒於柵浦追奔北嶺設伏楊沙溪旬日三戰而得三大捷焉晉擢兵備故與俞大猷戚繼光二將軍合謀縱火焚賊舟無得脫者而又冒雨忍饑以解桃渚之危疾趨太平以殲海門之淖寧患悉平則公功也捷聞賜金幣改叅閱藩乞終制許之島倭陷興化復以僉都御史鎮八閩墨縵而往又以戚將軍之援兵赴渚林與俞將軍兵會斬首二千二百有奇其餘山寇以次就平則又公功也捷聞乞終喪許之尋起撫陝西未至而蜀妖賊反改撫四川川平改督兩廣設營扼險

以制諸徭獍之命召還以左侍總督薊遼置爲車攻火戰之具則又公功也陞戎政尚書乞歸尋起本兵方公之與俞將軍馳驅風雨蓐卧泥淖也俞將軍嘆曰願明公早秉樞衡得知師中之苦於今果然公用是益自按竭以求長策計前後南倭西川東粵首功不啻萬餘皆公親履行間躬冒矢石與士卒同甘若凡有賞賜盡行分給是以咸告成功而又以撫粵日淺未滅羅旁爲恨惓惓無臣授以方畧迨其奏捷而公已瞑目矣年五十有八勲名令終古大臣未之易覲也書無不讀而尤工

行楷諸法八座勲臣無中人十家之產儲書萬卷而已
贈太子太保謚襄敏萬曆丁丑賜謚曰大司馬大將軍
譚綸爲朕服肱心齊戮力竹陣東蕩西除南征北討朕
方倚爲萬里長城不意太陰侵犯上將遽殞其命朕夜
來竟夕不寐思此盡心爲國之人安可復得今欲報之
無所效其情也惟著其功烈宣之金石使後之人臣爲
國之元勲皆尤而效之觀其平日言簡慮精謚之曰襄
曰敏蔭長子譚河崑世襲錦衣衛千戶幼子洛書世襲
國子監監正

宜黃縣誌

六卷

十三

鄧倫字叔明邑西紫山人篤行孝友留心經濟自典謨以
逮子史罔不淹貫遇不遇不介意也千金可以焚券餼
稟聽其自輸謀道而不謀食識見過人遠矣所著有四
書翼傳庭訓語錄子來鸞萬曆丙午春秋魁萬曆丙辰
進士

鄒學孟字仲默待賢潭坊人弱冠有聲諸生闡關閩濂洛
之緒發典墳丘索之藏萬曆丁酉歲薦居家孝養事繼
母備極承顏子用章中萬曆庚子鄉試偕公車比上捐
館旅邸後以子貴贈文林郎

□□□以鄉賢爲重已上俱炤弘治府志廟祀者樂史樂
□□杜子野侯叔獻劉蒙鄒極鄒餘涂大經李郭劉迂吳
□□希鄒非熊曹錫鄒次陳涂潛生涂幾鄒矩吳餘慶壹
□玖人萬曆黃志續入譚綸壹人崇禎府志續入鄧倫鄒
□孟貳人共貳拾貳人餘別載名臣儒林

名臣

宋

胥正倫諱品以字行祖元藻西蜀人唐末知南豐公博學強記文章典雅善談論性剛介未嘗少屈登端拱二年陳堯叟榜進士任太平軍司叅軍陞武陽丞淳化中郡民因饑持杖剽掠郡守不能制公獨無諭移文鄰縣均濟咸平中任處州軍事推官州民章成豪橫不法結連無賴爲州里患官不能制公到任首覘得其動止自擒案問得實杖殺於市仍藉其家開諭協從書免之自是

宜黃縣誌

六卷

十五

豪猾屏息擢大理卿弟正平同榜仕至太常丞

鄒永年字天錫紹聖五年住建昌南城縣尉時未析新城縣舊自義亭舖穿支徑四十里東嶽之陰崖谷深邃如行泉隧中不見人煙天日者十有五里姦人往往倚爲窟穴椎埋胠篋歲常有之天錫聞其事曰清奸除盜吾之任也明年季秋遂相僂利而新之易險以平易幽叀明衆名曰鄒公新路東巖先生傳權記其事後爲松滋令山谷先生甚禮之有詩篇往來載在山谷文集仕至奉議郎

元

晁百談字元默大中大夫詠之曾孫也淳熙中叀宜籍登甲午乙未兩榜後復遷於臨川之晁家山始建書院於西南明水爲碧澗書堂者迺南康軍以後事也公師事陸象山明理學尤深於春秋初授吉州教授與周益公爲文字交主管官告院時權臣開邊公輪對言內修不可忽大舉不可輕當進剛正士以強本朝匄外知南康軍陞辭又以除戎器飾邊備爲言至郡適旱蝗後首罷科率之令發粟寬征民無流徙會奉祠杖履游廬阜所

宜黃縣誌

六卷

十六

至賦詩集爲歸田雜著再起知道州語人曰吾嘗慕元結爲春陵當使萬物吐氣但老矣恐不得踐斯言也入仕四十年家無餘財有帶川集貳拾卷

劉芑字資中朝議公弟也舉進士以兄恩補太學廟齋郎主衡山簿遷延州錄叅辟廣西經幹黎人寇瓊州府公周種一以軍事委公公踰時斬首爲亂者曾安化蠻寇宜州公擊走之群蠻譚映及公往諭即降之王居桃亂南海鋒銳甚公襲斬之遠人畏服以比諸葛公用是遷官至朝請郎移知惠州會霖潦城不沒者兩版公分載

民物寘水不及處畱籍兵伏無逸者事聞於朝□□□
諭移通判桂州官至朝散大夫靖康建炎間闔門干指
時見空匱歿之日家無十金之儲

戴經臣字成叔登皇祐元年第攻苦力學持身廉介有兄
靜逸之風不附勢以媒進官至屯田員外郎

唐元齡字朝瑞邑東人登紹興庚戌第仕至廣州僉判勞
績方著遽致君事廣帥監承楊長孺特薦於朝曰唐元
齡窮經學古著書立言至於仕途涉歷皆有可紀爲廣
州僉判蠻徭爲變廣東一路民失其業兵不能制元齡

宜黃縣誌

六卷

十七

偕經幹曾壘撫諭深入其阻五閱月黨類革心聽命訖
事而歸恪居官次略無一語論功希賞引年告老其政
事節行如此

徐圓老字孝孫邑南人徐世英之姪也實出南州高士之
裔宋紹定戊子自邑之上西園遷居上官巷內己丑登
黃樸榜進士淳祐初仕至朝列大夫秘書少監兼國史
編修實錄院檢討賜誥敕致政還鄉復徵不起學者稱
爲高齋先生著述自娛遇饑口則量財賑濟常憂國難
輒墮淚沾襟忠君愛國之心老而彌篤卒於景定壬戌

邑令涂公樵祀於鄉賢祠子和咸淳乙丑進士孫萊至
正辛巳鄉榜

明

呂文質字彬甫號四恐翁崇賢鄉霍源人生而穎異長益
沉雄博綜羣書於天地事理之變古今治亂之理至於
損益廢置先後始終之要無所不知永樂登基叨監生
與涂中原元年癸未鄉試登甲申曾榮榜進士初除翰
林院庶吉士改吏科給事中當言路以端方鯁介忤權
貴調磁州判卒於官家澹如也著有玉溪文集給事坊

宜黃縣誌

六卷

十八

給事墓現存故里

涂自強初名剛中石麓人珪仲子洪武丁卯膺貢入太學
祭酒宋公訥試三場列上第任編修冬十一月上命宋
公訥選能幹敦厚者與戶部李祖欽往兩淮公幹公與
焉己巳三月還京復命丁內艱服闋赴京上叻公能幹
可任政事授中順大夫知台州蒙天語叮嚀賜名忠台
地濱海向時任府事者皆非其人百姓凋弊往往入海
島嘯聚錢糧屢年拖欠官亦不能徵公至日推誠愛民
察獄囚久繫者量其事情輕重隨即發遣不三□囹圄

空虛獄廷可張羅昔之嘯聚者皆轉爲良民逋負者咸樂於輸將公任事二年奉召至京卒台人祀之名宦黃清字用澄邑東人幼負氣節喜讀書洪武中以歲薦上春官廷試優等朝謝太祖臨軒叀公風儀魁偉望見於衆人中宣近陞與之語大悅尋擢爲河南道御史居官多所獻替二十六季涼國公藍玉謀不軌上逮玉籍其家片言相通者坐黨株連至萬五千人公上疏言波及者衆不勝訊鞫願從罪疑欽恤之意上怒併坐黨誅之趨刑後三日詔下凡坐黨者悉赦除焉蓋公疏留中上

宜黃縣誌

六卷

十九

省覽善之故從而宥也公叀一疏回天霽威昭聖主納諫之明成解網之仁雖身膏斧鑕乎有可以不朽者在矣公生平建議率皆有補於時其後人若敬銘以兼才著濯纓以文學名德人叀尚議穰皆足徵公先澤之不泯云

廖鐸字文揚號素履邑西人入太學任邵武推官操守廉謹決獄平允爲藩臬諸司所重六載給由赴京道聞親疾奔治湯藥親卒服闋改任貴之程番活獄釋囚民□悅服尋叀秩滿書叀縉紳有贈言者曰處事精審無□

於蘇子容植善雪冤無愧於錢若水弘治間陟廣東海
北塩課提舉商人稱僂公爲人嚴毅端方不可干以私
歷官三所至皆有善政今邵武列諸五官祠叔昂□鉦
鉞皆仕至郎官弟鏊中辛卯禮元著有素履遺藁
陳用仁仙桂鄉大河人號誠齋永樂初以人才舉授祥符
知縣嘗奉旨修金陵及皇陵宮殿經營有方巡撫王公
委修安豐堂等埧興工日祭告神祇有怪鹿巨蛇絕波
而去自是塘埧堅久居人德之立廟以祀終河南彰德
府同知年八十

宜黃縣誌

六卷

二十

黃鉦字克靜號應山待賢梨溪人宋永新令後奕之幼子
嘉靖庚子鄉薦登辛丑沈坤榜聯捷進士司河南汝寧
理讞決無所徇擢南北部主事忤權貴左遷高郵州同
外艱服闋補泰州陞山東濱州守州瀕海其地瀉鹵民
多流離公爲平賦緩徵發粟招逋復業者數千家兄弟
五人公以清貧力學自奮既第讓租百六十石以贍諸
兄所著有應山集法律管見玄風問難藏于家
鄒子先字朝選號見吾待賢潭坊人登嘉靖辛酉鄉試授
教長汀興行造士擢常山令廉公勤慎吏畏民懷凡不

便於民悉罷之卻例羨懲豪猾獎節孝供士課豐祀儀
通商運建義倉皆實政也常邑孔道衝疲委積不敷舟
車輻輳公權宜有法盜刼巨賈公捕盜獲贓寶玩無數
賈以重金爲餽公峻却之士民請建卻金亭公力止之
其廉節可槩如此五年報政部臺交獎薦士民有官清
民安之咏有花甲再春之歌有靈雨反風之頌去日百
姓土祠塑像家設神主尸祝禱祀輒應焉遷永寧刺史
進五花馬拒不受時有襲爵相屠數年不能平公□□
□壘諭以禍福立解補廣西永安刺史陞廣東高州公
就

宜黃縣誌

六卷

二一

鄒用章字體素號懷京待賢潭坊人登萬曆庚子鄉試授
永新諭五季造就生儒擢閩寧德令策救荒議築堰捐
俸成橋梁陳塩法禱水旱釋疑獄興利除害當道廉其
能且賢破格例以州防兩篆委公時有莆販載舟入長
溪爲迅邏所獲當事者以海寇聞上自多其績公細研
之得冤狀生還數十人建防海六議五越月江上澄清
四郊謳沸而乞休終養故事沙田一稅不列正供去任

者得千金爲涉江陸費掾以例進公怒曰柰何又忍以
民間膏血潤吾行色也其節介如此鍾豕宰玠特請起
用公固辭庚午覃恩准原職加一級進中憲大夫年八
十所著有四書鷄肋集二十卷讞議十卷將諗錄一卷
綠埜莊前後集若干卷

鄧祐號紫峰邑西紫山人英敏絕倫登嘉靖甲子鄉試任
台州府教授萬曆丙子聘南直房考中三名陳所蘊口
下十二人後登第者八稱爲得人先是南直顯宦徐式
賚金六百爲其子關節公揮而拒之擢湖廣靜州會同

宜黃縣誌

六卷

二二

知縣地連黔省苗民悍獷公被命慷慨就道曰何地不
可展才乎雖巖邑不容辭興學課士惠嚴撫懷嘗深入
洞險徵糧苗悞令服化輸將恐後邑方仰公有爲獲久
茲土也公告老乞歸抵家兩袖清風半榻蕭然嘗憶宅
近青山同謝眺門垂綠柳顛陶潛之句可思其志矣季
七十二手錄詩徵十卷藏于家

羅鶚字時薦號近雲仙桂棠陰人登嘉靖甲戌鄉試署浙
江東陽教諭陞廣東文昌令擢欽州德慶州任廣西思
恩府奉直大夫致仕歸在任一十八季飲冰茹蘗時海

剛風先生察其清廉甚重之作文以送其歸中有在外
謂之禮在內謂之賍賦與禮惟羅令尹其免之之語卒
之日家僅中人產悉變以畢喪事子若孫皆有文名
李希哲字既明邑東人祖龍山先生由恩薦任紹興府佐
公生而聰慧以弱冠舉萬曆丙子鄉試好工古文詞上
擬楚騷下摹元劇著述數萬言屢困南宮遂不復以顯
晦爲意就萬年教復補廣陽署高明令萑苻屏跡劇賊
授首老而倦遊馱薄世務豈復以五斗折腰哉遂解綬
歸所著有李氏文集伍拾卷

宜黃縣誌

六卷

二三

歐陽旻字惟仁號應華仙桂陽坊人膺貢萬曆壬午雋京
闈擢蠡令蠡鹵地定課額三百六十餘金公私稱優歲
市馬五十匹匹五十金當道多乾沒公悉給之民僂而
官不僂坐是迂守左遷定海丞轉擢陵水令陵水孤懸
嶺表下車冒瘴癘會黎寇交訐公募壯士戰滅當事力
薦之公告老乞休解綬歸

鄧來鸞字繡倩號鳴和邑西紫山人以麟經魁萬曆丙午
鄉試登萬曆丙辰進士授湖廣武昌司李會黔粵寇發
羽檄飛馳軍儲取給楚省而官司告匱公建議於藩司

□發一面疏聞諸院道允其議遂奉委查全省歷年逋
□凡吏胥積弊一清得銀數萬充黔粵軍餉而院道無
帑竭之憂矣甲子房考得雋八人聯捷者五乙丑桂府
受封就籓道經武昌帆檣雲集承奉司傳令旨必毀民
舍數千以通舟纜公爲募集設版築沙於江岸兼禱于
神是日舳艫曉發風帆駛捷民居安堵無壞沿江數萬
煙家設像叭祀公焉臺諫司薦章交上題請誥封僉擬
內召以懃直挂大計議辛未補授河南汝寧司李銓南
刑部主事進階本部郎會蜀寇熾勾連黔粵荆楚震動

部議武昌非公不能鎮壓爰是單車就道至郡興利除
害所裨益於民不可勝數百姓若藩封尤劇公百計調
護俾上無獲罪諸藩而民得無病叭兵興事繁疲瘁疾
作乞致仕章三上始得解官踰季當事者起公超擢固
辭兄來鳳食餼入監家學淵源課公以麟經讀書績文
自伏處以及榮擢皆兄惠也公著有春秋實錄等書門
人工部侍郎程正揆有序

儒林

宋

戴琳字伯淳崇賢鄉人父有嚴以子貴贈殿中丞公博學績文尤喜賦詩性剛介嚴厲慶曆戊子與其弟經臣同領鄉舉皇祐壬辰再領鄉舉上春官不第無復仕進意林泉自樂縉紳稱曰靜逸先生有文集行於世鄒公餘其甥也餘赴省先生以詩送之餘請委先生但令汲楊子江心水以歸烹茶而已及餘汲水歸先生辨其非是餘辭以舟行急將及岸方亟取水其高致雅識如此

宜黃縣誌

六卷

二五

涂濟字時甫以子貴贈朝請郎贊治少尹先世自豫章徙家宜黃石麓築書室於石碧禮高儒先達課子弟講肄其間繇是五子大任大琳大經大節德明相繼登進士第時以五桂名堂大琳司杭州土曹不諂權貴會太守蔡嶷判事多爲韻語厨傳侈費大琳裁抑規正之忤其意遂解官濟弟湛鍾其風光大四友等亦取次登第或以骨鯁高節著名當朝或以經學文章揚暉異代祀于鄉列於他邦名宦詩書章縫繩繩不絕大經十數傳而裔孫國柱號印玄子者著漢唐宋後三代□皇鑒通□

等從□弟國盟著漢唐宋元明史幾十卷古文哀異十卷
徐章字邦度邑南人博學善屬文尤喜賦詩性鯁介不徇
流俗兩領鄉舉後改特恩不赴以子貴授官自號竹林
先生子嗇字用之登進士第歷官知賀州江西安撫司
叅議號止菴

元

涂允仁字靜甫邑南人性行端謹學術淵邃弱冠食餼諸
生中文藻籍甚屢困場屋於元朝廷祐間膺歲薦官福
建延平沙縣學博蜚聲當路年高致仕歸仲子端卿叨

宜黃縣誌

六卷

二六

鄉舉嫡孫潛生守約祀鄉賢皆荷公庭訓而席公之遺
休也所著有□書疑義子史類編等集藏于家

嗣

黃誠初號敬齋仙桂六都人先名中登元丙申亞魁復以
字行中洪武三季庚戌明經博學舉任本邑教諭首任
師儒名流椎重人才多所造就擢雲南提刑不就

涂祐字叔民號怡泉邑南人大經嫡裔生而慧過目成誦
不忘永樂癸卯以書經中江西鄉試屢上春官不第迺
曰功名利祿有命存焉叀母老力圖終養遂絕意仕進

居有山泉園池之勝曰玉斧泉者相傳唐呂純陽嘗過其地用王斧破石而泉濺出有篆迹在石玉斧泉三字近即不見遠望字隱隱狀易曰井渫不食爲我心惻傷王明之不用也公固怡然其中嘗自題其所居曰茆屋只資松色潤布衣猶帶桂花香幽貞之意溢於言表著怡泉集等書裔孫世璘世瑄皆有文名推重於時世瑄字若水以任俠破產東鄉艾千子爲作義舉志載皇明高士傳

鄭惇典字以敬號冲華待賢潭坊人博雅好古文詞尤放

宜黃縣誌

六卷

二七

逸不羈絕有晉人風致當時有詩唐字晉之譽初署麗水學終遂昌尹歸家遠跡公庭倣范公遺意置田入祠供祭且以贍族不給者

羅璣字日周崇賢四都人篤於動履寡于言笑燕居雖寒暑衣冠自若舉止即造次尺寸不違由諸生廩餼臥至高唐訓蕭狀藿食年愈邵貧愈甚節愈高世俗日暮途窮之態一毫不入于心

劉塩梅字汝平邑東人學務真正心馱浮華初任南安訓識僉憲陳公學伊於落魄中特加剪拂補訓長樂捐俸

砌洼道贖生徒兩臺交獎終連州學正歸值諫公往□
俟之床第間鄰邑訟者懷金十數斤公掩耳避之其清
介若此以子貴封奉直大夫

鄧濬字珍邦號平□□□高視濶步每以詼諧謔浪寄
之詩酒間不以□□□介意任吳縣麗水教職行李
蕭蕭惟載圖書數萬卷而歸所著輕賚平賦錄足爲一
邑永賴置有博士庄林壑蕭疎日與詞客名流徜徉其
間晚號滄洲傲吏

吳玠字克重號養初仙桂棠陰人以明經任信州學訓導

宜黃縣誌

六卷

二八

歷南城至建昌府學教授時分教信州監守沈河山大
府玉華亭特嘉其端重掌諭南城永嘉王龍友目爲君
子恠其絕無干請曰吾寧留不盡遺子孫耳子應隆字
元龍號蘇門爲文傲岸峭厲詩歌古文詞幽豔冷雋事
二親終始色養母病癰三季躬更衣浣濯百方求療手
煎湯藥至口爲吮舐不解帶寢處床蓐告斗祈代步禱
軍山感圓光現象而母疾獲痊居教授公喪哀毀喪明
以明經歲薦不就徵著作盈几文集藏于家孫燕芳崇
禎丙子舉於鄉任河南開封西華令坐見號呼捶楚之

下憊然曰吾寧以百姓肌膚易吾宮乎以撫馭太寬當事者不悅解組歸

余嘉謀號野獲待賢鄉人性明敏博極羣書萬曆中以選貢廷試天下第一翰林周應賓禮部蔡獻臣等期以大魁壬子鄉試擬元親老授訓浮梁嚴月課給貧士贖序丕振方廷昌李思謨馮秉清皆其造就兩臺交獎陞崇安知縣著述極富有存朴篇三山近菝三山續業詩集有昌中旅中山中螟螺集邵子皇極經世書註等書黃濯纓御史清之四世孫敬銘之弟也自念先世以節烈

宜黃縣誌

六卷

二九

著聞義弗墜乃緒故惟安貧著書淡如也邑令王公尚廉以縣志屬筆焉著有高士傳帝王譜凡數十卷又嘗有詩曰顏氏一瓢猶自可我無簞食樂如何清虛剩有文思好却笑時人煙火多噫此亦可以見濯纓矣

歐陽梯字汝芳號華宇陽坊人領萬曆乙酉鄉試謁選諭泰和教育滋多尋擢連山令連故東粵僻邑多土蠻甫下車土弁例送金辭曰馬蹄公正色却之猺蠻自是不敢犯故撫連周替而治冠粵東諸邑直指嘉其清節公一日忽慨然曰親老矢遂乞歸終養

此當附入名臣

孝子

元

張顯張碩南隅人景德之子母李氏病顯碩同割股和藥飲之病遂愈里人聞於官爲立孝感坊其後有張克銘克鍾兄弟亦割服救母院給孝行可風

鄒勳字世臣父大珙早世事母譚備極色養弱冠從經魁廖公燧明禮經文章行誼爲一時推重九試鄉闈不第以貢上春官試高等制當入太學卒業乃誦古云孝子

宜黃縣誌

六卷

三十

得一日養不以三公換於是陳情乞終養朝廷嘉其孝行詔太宰旌以一官比縣令公既歸乃作終養堂於其居之後奉母譚孺人居之朝夕侍膳問安母年八十餘乃終公廬墓三年御史吳公鉞誌其墓孝廉啟元啓光皆其曾孫仍以孝友稱

羅潮字信甫蒙陰庠生事母孝母終哀毀骨立嘗夢母雲瑞

與語翼日圖畫庭前每見必拜向之涕泣乃已廬墓三年後每除夜必至墓所終夜不寐塋祭動遵古禮事聞上詔立孝子坊旌之子良振天啟辛酉舉人任永新教

諭父訃至奔歸居喪哀瘠亦以孝行稱

雷霆顯邑北人以廉著尤善事母常往來崇宜界有客遺金六十兩彌陀石前霆顯拾之遍訪遺金者得其人竟還毫無吝容由是邑人稱其廉母應氏患目疾霆顯步謁軍峯途遇一道人自稱武當山南岩宮余志秀曰汝爲母目疾來耶予之藥一丸桃一顆曰以此食母當愈霆顯持之歸如其言母目遂愈後母病百醫無效霆顯割服食之母病亦遂愈邑令俞世美聞之賜扁旌之

列女

宜黃縣誌

六卷

三一

宋

陳氏臨川女邑南涂端友妻適方二載紹興己巳被寇驅入黃山寺逼以利刃陳氏叱曰汝輩鼠竊命若虬蟬我良家女義豈爲汝辱我縱汝殺官兵至汝其免乎寇知不可屈縱使其歸曰吾聞正女不出閨門我遭汝強盜爲他人恥今何面目登涂氏堂叱罵不已賊怒殺之

明

許氏臨川進士同書女適縣南李時傑時傑死許氏年十九子大章方晬撫教終身天順六年詔旌表之年八十

二而卒

章氏劉金轍之妻年二十金轍亡矢志不二知縣余琦聞於巡按表其門

余氏待七都余琳泰女年十七適鄧舜旺三載夫死奉養其姑誓與姑終遇有諷其再醮則正色拒之嘉靖十九年二月知縣胡士恂聞於巡按謝公九儀檄稱余倫理獨明志操可尚況以垂老之年可要永終之守遂表其門嘉靖二十四年撫按會奏詔立坊牌年七十五歲終符氏仙三都符嵩文女適仙七上都羅魁八期年而亡有

宜黃縣誌

六卷

三二

諷其改嫁者則嚙指立誓自甘守節事姑以終餘年嘉靖間聞於巡撫旌表其門年六十七而終

李氏名秀河口吳蓋八妻年二十二嘉靖辛酉夫死於寇李氏被虜叻行忿罵卧地嚙舌噴血寇面死於亂刀之下詔旌表鄉人建祠祀之

張氏北隅張伴讀女適譚坊鄒世奉未幾世奉歿張氏年十九治喪塋禮畢父欲改適之張氏哭曰我生爲世奉婦死爲世奉鬼誓無他適父不敢強家貧織衽口奉其姑常塊處一室即親戚罕見其面年八十餘終

□歲貞婦□□□□文鑑妻也年二十七而寡犛□
撫二孤長朝春四歲幼朝綱甫八月貞婦約已效緝澣
洗以湏二孤之長孤既立貞婦漸衰備極孝養嘉靖甲
午李年百歲邑令黃公淖躬自拜之額其堂曰百歲貞
婦逾二年卒黃公又旌以詞曰少失良偶撫育二姑壽
過百歲式表門閭桂枝滿眼蘭葢繁餘冰霜厲操鬼神
是扶吁嗟長逝行人噉噓旌揚善類在我有司其子朝
春亦叀孝聞於邑

劉氏名季珠邑北涂廷輔妻也年十九而寡勵節孀居時

宜黃縣誌

六卷

三三

有豪家慕其孤貞而謀娶之劉節愈堅歷年久公論明
鄉士夫屢請有司旌之支庶又求爲之嗣皆拒不納□
吾爲死者無愧此生足矣有司來旌未免無費子侄繼
嗣安得帖然以貧居寡婦而求名適以累其老以他人
血脉爲己子徒以利吾財人不惟高其節而又服其識
年八十二無疾而終

涂氏邑南涂元坤女適譚坊鄒朝簪朝簪早世涂時年二
十四矢志不二撫孤廷明娶媳歐陽氏生孫啓光甫□
歲廷明仍早世歐年亦二十三姑媳形影相弔晝同□

夜同寢人咸以爲雙節

胡氏縣北黃士璋妻璋早逝胡年十七厲志守節痛夫無嗣立繼久而益堅邑中感其志以其事上聞御史史公弼旌之曰閨闈女流獨荷綱常倫理之重此皆天地之正氣山岳之精英均於風化有裨相應獎厲給絹二疋銀二兩倉谷四石扁一面上書貞節二字各官司褒語不能盡載年七十御史張公詮口給扁曰之死靡他毋曰此讖也吾其死矣是年卒

許氏邑南鄒金璧妻年十七而寡家貧織紉自活矢志不

宜黃縣誌

六卷

三四

移至八十而終詔立坊旌之舊在涂王嶺下

袁氏河口李發二妻崇禎壬申寇遶城下袁被執至貫虹橋袁罵不絕口賊怒剖其腹殺之橋下時城守者見之莫不嘆息中丞解公學龍有文祭之

廖氏邑北生員吳化之妻化早逝生一子廖氏二十而寡

柰貧撫孤代夫養親節孝備至巡撫題請旌表

皇清

譚氏大司馬襄敏公之曾女孫也適礫下章潤三長貧衣食不給好讀書善詩間饑餓吟咏不輟庚寅閩贛山寇

躡磔下譚携兩幼女別逃途遇被執前行至東陂石壁
遂擠兩女先下崖已遂仆入深谿厲聲曰我家女豈
爲賊污賊恨刺死水中後覓其屍面目如生遠近哀之
黃氏邑南生員許濤妻順治二年王得仁兵至縣許生奉九
十三歲祖母遠避男位僅二歲弟汀僅十歲同黃氏城居
一時奔竄不及行至西隅胥氏祠前兵馬擁集黃氏自度
不能免顧視路傍有高岸深池乃取所携金擲於地曰以
贖叔與子遂墮崖赴池而死事聞學道樊給扁旌獎

徐氏乳名象金別駕徐一麟公女崇五都生員吳越妻也順治

宜黃縣誌

六卷

三三五

八年壬辰歲閩贛山寇曾九龍蹂躪崇鄉吳生舉家被執
徐氏義不從賊賊強欲污之徐唾其面嚙指爲誓尋奪刀
自刎於演源茅查州賊爲感動置其婢青蓮伴尸七日
後顏邑如生里人聞於官邑令王世噩司理李公煥俱批
云徐氏之節行既已爭光日月卽爲申請□題時同里有盧
女年十六當亦被執仍操節不移竟爲肢解而死

義俠

宋

胥仕隆先世長沙人大唐間徙居宜黃仙二都之黃填鎮

尋併宜黃入崇仁去縣遙阻民甚苦之傳十三世至仕
隆慨然面造南唐請於后主創縣便民又以祖太□侍
御所遺基隴廢作縣治時宋太祖開寶元年也會世運
屢更兵焚之餘雖子孫亦莫得其故洪武十七年秋顯
陽寺火古剝煨燼人於遺像中得仕隆禱佛開縣青詞
衆始徹其端今刪其詞之繁蕪錄其要者附於傳左

伏爲云云於是仕隆等會前名進士於水東高峯上觀
四水來潮萬山相應華蓋發龍黃山權經過大畚改
鼓樓崗直走東畔黃田鎮面前一道東流水秀水潮入鷄
籠山居其左城嶺羅其右獅子石鎖水口仕隆祖壟謂
之睡虎施作縣場佛事保祐具詞於顯陽古剝三寶聖前
告許水陸無遮大佛事保祐具詞於顯陽古剝三寶聖前

宜黃縣誌

六卷

三六

元年四月二十二日命左丞相陳脫兕中書省差黃平
天有感得面聖三日就命左丞相陳脫兕中書省差黃平
章陳監省帶八領仕隆等回鎮改言是山不若水西胥氏
縣基地四十工適有道人來言是山不若水西胥氏
祖山可爲萬民樂之地此處止有一佛地後更改有一仙地
今將兩處水土秤之果仙鄉爲重也因此改本鎮爲縣
以二水合流名爲宜黃云隨奏聖君就發監縣陳山童
判簿寥伯貞云云開寶二年三月十七日建造圓成復
請太官會集於顯陽寺圓明寶殿酬荅必因重修殿宇
佛像

胥作霖字澤民仙桂胥坊人儀狀豐偉慷慨有大志抵掌
論事累千百言輿口可聽嘗游太學屢試不合浩然而
歸紹興中盜據臨川里中惡少欲相挺以起作霖馳一
介召集庭下叭禍福諭止且發廩以周其急官軍大至

盜奔建昌官吏捕逐黨與磔之城上以狗無脫者少年
感悟呔手加額曰活我者胥君也未幾楊世雄擁衆數
萬焚崇仁掠宜黃境上一方騷然作霖選可用者百餘
人伐木柵隘口伺其至則被髮持挺鼓躁而出世雄退
舍三十里一夕引去事聞於朝當路者辟爲本縣尉不
就雅好泉林葺竹爲亭與客觴酒以終老焉從尚書孫
覲遊往來厚善爲作竹亭記以表之胥爲黃古族正倫
暨弟正以正平姪濟沆俱第進士

元

宜黃縣誌

六卷

三七

曹孟仁至正壬辰之亂弟仲雍舉義旗壓孤嶺深入爲賊
所殺孟仁盡用其產呔募士無留帑焉賞罰明信軍行
前列賞格金帛歸則取次畢至解婦簪珥以足其數令
合家食粥曰吾積升斗以食壯士人心翕然前後破賊
無數及縣失守取帑實全付麾下而去涂幾爲之傳

嗣

符良卿仙桂三都人會紅巾賊起江西諸路不奉除授競
依豪傑禦賊而良卿爲卒邑推戴適明招諭江南詔至
良卿心切臣附陳友諒兵畧撫州堅守不二食盡兵疲

□□□□□入□而去士民高其義以香水刈□全其屍以□□□□□□□為賠頭山

勇毅□見

崇禎壬甲粵寇至城下有慷慨赴義陣亡者胡鴻德潘章

俊庠生潘光漢張汝茂張汝耀鄒思化思讓兄弟百傳張世讓張

廷約潘瀾二九超世傑陽傅三羅徐七共四十餘人邑

人立義勇廟祀之今在布政司右邑人羅應曉有□□

文載藝文誌中丞解公學龍為文以祭之

其詞曰以流寇之亂生民未靖於是藺乘菟卒設險

宜黃縣誌

六卷

三八

立隘躬歷郡邑行次宜黃數十里內老少媼女相率環擁不絕於遂有慟其子者有慟其父者有慟其夫者且泣且訴行道傷之余亦淚下不能自禁隨呼執事各員詢陣亡者所在則指山頭某田墟以應之曰此昔戰場也嗚呼傷心哉流寇以來變起倉卒民間罕知兵革往往鳥驚魚駭其抱頭鼠竄者有之其賄賊而蠅營者有之是皆仰愧於天俯忤於地良心已死王法不容乃爾等不盡食於官而持挺一呼白刃可蹈身嘗縻於鋒鏑屍骨膏於原野其視鼠竄□奚

若其視蠅營者奚若豈易得哉豈易得哉有子若此
白叟何憾有父若此黃童何憾有夫若此紅顏何憾
而又何以且泣且訢余惟既勸爾等之為夫為子為
妻者而爾等亦可含咲地下矣嗚呼千秋萬古難泯
裹革之魂志士仁人仰慕裂皆之誼遣官招祭爾輩
其聽之

釋

石鞏馬祖禪師俗姓馬法名道一漢州什邡人容貌竒異
牛行虎視引舌過鼻足下有二輪文幼依資州唐和尚

宜黃縣誌

六卷

三九

落髮受業於渝州圓律師唐開元中習禪定於衡嶽傳
法院遇讓和尚同參九人惟師密受心印六祖熊和尚
嘗謂讓曰嚮後佛法從汝邊去馬駒踏殺天下人厥後
江西法嗣布於天下時號馬祖始自建陽佛迹遷至宜
黃石鞏結庵鞏下貞元四年正月中登豫章建昌石門
山於林中徑行見洞壑平坦處謂侍者曰吾之朽質當
於來月歸斯地矣二月四日跣跌入滅權德輿為碑元
和中追謚大寂禪師塔曰大莊嚴

石鞏惠藏禪師法名惠藏逸其姓本以弋獵為事不喜沙

門唐明皇時馬祖結庵於石鞏師因逐群鹿自庵前過馬祖迎之師問祖曾見鹿否祖云女是何人對以獵者祖問汝解射否曰解祖曰汝一箭射幾個曰一箭一個祖曰若然非解射也師問和尚解射否祖以解對又問曰一箭射幾個祖曰一箭一群師曰彼此是命豈宜多射祖曰汝既知此何不自射師曰無下手處祖曰這漢曠劫無明煩惱今日頓息師悟即棄獵具截髮投祖出家一日在厨力作祖問何事對以牧牛祖曰作麼生牧曰一迴入草便把鼻孔拽來祖曰子真牧牛師後傳祖法常以弓箭接機有問道者見其張弓挾矢輒懼而走獨三平和尚披胸示之師乃擲弓授以道要

曹山元證禪師俗姓黃法名本寂泉州人少慕學年十九出家唐咸通初禪宗興盛會洞山問闍黎名什麼對曰本寂曰嚮上更道師曰不道曰爲什麼不道師曰不名本寂洞山深器之師自此入室密印所解盤桓數載乃辭洞山洞山問什麼處去曰不變異處去洞山云不變異豈有去邪師曰去亦不變異遂辭去止於撫州曹山時洪州鍾氏屢請不起但寫大梅和尚山居頌一首荅

□天復辛酉季夏夜師問知寺僧今是何月日對曰六月十五日師曰曹山一生行脚到處只管九十日爲一
□話朝告寂壽六十有二僧臘三十有七門人奉真骨
□各勅賜元證大師塔曰福圓

□□□和尚俗姓許福州福唐人年十五詣黃蘗山寺
□□□師稟教及圓戒品遂遊方外聞夾山盛化乃往
□之夾山問師名甚麼師曰名月輪夾山作一圓相曰
何似這個師曰和尚恁麼諸方大有人不肯在曰貧道
只恁麼闍黎作麼生師曰還兄月輪麼曰闍黎恁麼道

宜黃縣誌

六卷

四一

此間大有人不肯諸方師乃伏膺參訊入室受印依夾
山七年方辭往撫州卜龍濟山隱居玄侶雲集師遂演
夾山奧旨名聞諸方後樂棲黃山謂諸徒曰吾居此山
頗諧素志矣住黃山僅十三載學者來無虛徃後唐同
光三年十二月二十一日有微恙二十六日午時跌化
壽七十二臘五十三明年塔於院之西北隅

黃山良匡禪師法名良注逸其姓吉州人也法嗣金陵清
涼文益禪師住黃山謂衆曰高山頂上空蔬飯無可祇
待諸道者惟有金剛眼睛憑助發明真心汝若會得能

破無明黑暗若不會真箇不壞便起歸方丈僧問如何是黃山家風曰築著汝鼻孔

白土普慧慈應大師唐武宗時人汰僧爲民有僧至宜黃舍婁遜家問其名不荅問曰頗憶從饒州來出則決渠荷鍤溉治人田不問彼我後死於白土水濱時大中十三年十二月屍積旬不壞遜恠之遂泥其全屍奉之宋隆興初郡上其事賜號普惠後又加慈應大師

陳遷字德升卒邑人年十六遊金陵荆公命與陸農師徧閱蔣山碑亡累數十及歸錄之不遺一字病留蔣山與

宜黃縣誌

六卷

四二

勇禪師言話有契勇與誦曰胡兒孫子太惶惶愛弄千年鬼眼睛不見宰官貪說法時時來我嶺頭行即棄儒學禪作傳燈錄

羅漢笠距縣三十里曹山之巔宋崇寧二年八月嘗有胡僧群至其上人迫而觀之但存僧笠其製甚異元至正甲辰失之

貝葉經宋乾德丙寅元證禪師結庵曹山時携貝葉來其葉以蒲而澤其字皆梵書不可識其墨年深而常光彩元至正甲辰失之

仙

王郭二仙師事浮丘先生忽失浮丘所在遂往江南高峰望氣求之由玉笥適丹霞不見又登宜黃邑治前山勢極峭聳憑高卓望見巴陵華蓋二山靈先燭天徑至華蓋浮丘在焉得叀卒業晉元康三年同日飛昇因號所望山爲卓望

陳高功名雲布字宣威蜀人唐開元中舉博學宏詞除校書郎以言事切直罷歸廣德二年再入爲殿中侍御史性樂希夷輕視軒冕明年托疾退休著羽衣服遊名山

宜黃縣誌

六卷

四三

因遇至人授以飛符斬祟驅龍致雨之法經行至宜之妙常觀見山川清勝遂棲息焉水旱疾病叩之輒應常誦度人經有碧衣女童俯聽雙鶴飛下放生池有龍遊戲其中高功每令龍致雨唐封爲普濟護國妙應大師年一百二十二歲沐浴而逝其子萬匡奉棺以葬至半山有聲隱狀棺開寸許惟存藺履時賈人至蜀邂逅高功附書回萬匡發緘即父真迹驗賈人相遇正葬之日也一門四世俱成仙道觀有南豐先生詩及唐碑碣存焉

呂洞賓墨跡距縣十里有山曰赤松憲使鄒極父朝請公結庵處也一日有異人過大書佛門長開四字中又書九九八十四及回字後庵僧以九月九日順寂壽八十四回者呂字人知爲呂純陽也墨跡今逸邑人饒時亨刻石記其事

鄒極自本路憲使丁外艱歸一日有過客自稱姓呂名洞來謁嗜酒飲不計升斗公不倦與對他日乘醉求臥公枕以珊瑚枕洞睨視撲於地碎之明日復至闔人語之洞遽索破枕以王斧鑿泉得水洗之復完如故闔人吠

宜黃縣誌

六卷

四四

告公出見之索酒如常時公有客不果陪止給三爵令獨飲洞曰有客無主何以酒爲因咲謂侍者曰更持一酒尊來強公飲獻酌間不覺竟日夜尊中初未益而酌之不竭夜分迺去明日酒人告無故甕竭者三洞復來邀公同遊曹黃二山公意不欲往洞乃於壁間畫一圖圓徑不蒲八寸樓閣仙娥樂器俱備鈞天之數洞叱之門戶俱啓洞命極入極欲邀夫人同往洞遽躍入圖亦隨沒夫人急以衣裾印之遂成一圖子孫世藏於家後二季公卒洞又來問指公像曰向時招爾同遊今乃爾

邪因咄咄不已而去

歐陽鍾號完字邑南人六歲過疹患目殆甚忽一道人
髮野服竟詣庭撫曰是兒目疾予爲療之就地信手取
一小石向目數過尋復炯炯如故衆方驚訝而道人已
揮塵而出遍索不知其往癸卯秋試結社南州又一道
人於衆中求見公與之坐談同寢且謂曰汝一病將至
遂於袖間取一丸置几去奚童未之知竟棄丸泥淖中
一日背疾忽作買掉南歸政抱疴憶前道人未留其姓
名而道人已至舟前曰吾已知前藥被墜子擲棄矣更

宜黃縣誌

六卷

四五

與之藥疾遂愈後十餘季有人自閩來見一道人問曰
汝知歐陽鍾否爲我帶書一封語之曰此向年醫背疾
寄來者發視之得棗二枚內書數字公隱而不言越數
日無疾而逝

異事附後

鄒極未第時禱夢於后土祠忽有一神人呼曰天道本無
成明從公下生温黃前後竝黑暗裏頭行大十口止各
哀號三兩聲兩個六十五祇此是前程其後皆驗初聯
則解試天道無爲而物成賦公生明則禮闈題也次聯

則諒闈榜名次在溫姓黃姓之間也三聯則持節本路
丁艱也終聯則夫嬪皆六十五歲而終也

虞伯生在宜黃時嘗倚樓吟詩有五更鼓角吹殘雪之句
忽隔溪有一童揖而言曰角可吹鼓不可吹亟召之已
失所在蓋詩鬼也

寶積寺昔有慧僧夫其姓名好奕忽有俊士褒冠華衣日
來與奕扣其鄉貫則曰徽州紙商躡其往每從寺後登
山則非路矣俟其更至潛窺之變成黃龍入石孔中僧
驚視其孔甚細尚遺二龍甲於傍亟命工人斲大其孔

宜黃縣誌

六卷

四六

龍遂不至因呼其處爲回龍洞

邑河東有李姓者綽號望天初治圃爲業後赴縣克幹辦
順治十八年九月廿一日奉縣帖往鄉勾緝糧稅暮歸
值城門早閉語妻曰今日糧限失期明日必被笞掠痛
飲酒三斗腹忽暴脹亟啓户如廁妻曰村中虎多暮夜
安敢啓户望天曰何傷遂從側户而出妻久不見還遽
譟呼莫或應出户索之惟勾屨一緉杵一條在始慟哭
謂爲虎噬比曉搽討莫得遺骸越明年正月有稗販數
人從城西南來望天肩兩豚雜其中識之者大駭諍爲

鬼魂爭擁至其家望天迺自陳狀謂某當夕起廁時星月滿畦逐步變黑久之林中有光見一偉丈夫冠蹙金兜鍪雙瞳如鏡某猝顧便錯愕踣地矣俄如覆車輪挾某腰其去甚駛所過頃刻異狀少選至一闕門中立甲士判官等籍問拘揖何人呼至偕問畚百餘言只顛夢中囁語居無何聞鐘聲螭頭上突出一大殿有女侍百餘傳呼夫人出視事見一女郎曳步升座女侍次第拜謁獨前點視老人抗禮長揖徐啓云拘到罪人皆應得陰譴惟宜黃一人不在限夫人容霽執管向某一揮某身已在洲崖上仆臥向來境界俱失但莫辨身在何處詢路人云此是虔州地方洲西有山曰萬雷岩因引領驚顧未見有屋宇惟險崖峻嶺煙嵐開闔而已計去家之期已三閱月因傭力佛寺得錢一貫計路費稍可給亟趨歸遂截髮爲僧

宜黃縣誌

六卷

四七